

ერთის მხრივ, სსიპ „ვეტერანების საქმეთა სახელმწიფო სამსახური“ (შემდგომში - „შემსყიდველი“), მისი ----- სახით და მეორეს მხრივ, ----- (შემდგომში - „მიმწოდებელი“) მისი ----- სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, SPA ----- ელექტრონული ტენდერი ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“) შემდეგზე:

მუხლი 1. შესყიდვის ობიექტი

- 1.1 შესყიდვის ობიექტს წარმოადგენს: შენობის დასრულების სამუშაოები (შემდგომში „მომსახურება“), CPV კოდი: 45400000.
- 1.2 შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3 შესყიდვის ობიექტის დეტალური აღწერა, ერთეულის ფასი და საერთო ღირებულება მოცემულია ხელშეკრულების დანართ #1-ში (ხარჯთაღრიცხვა) რომელიც წარმოადგენს ამ ხელშეკრულების განუყოფელ ნაწილს;

მუხლი 2. ხელშეკრულების ღირებულება

- 2.1 ხელშეკრულების ჯამური ღირებულება შეადგენს ----- (-----) ლარს.
- 2.2 ხელშეკრულების ღირებულება მოიცავს როგორც შესასრულებელი სამუშაოების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს, მათ შორის დღგ-ს.

მუხლი 3. შესყიდვის ობიექტის მიწოდების ადგილი და ვადა

- 3.1 შესყიდვის ობიექტის მიწოდება განხორციელდება ყვარელში კუდიგორის ქუჩა #2 მდებარე სამსახურის ბალანსზე რიცხული ფართი.
- 3.2 შესყიდვის ობიექტის მიწოდება განხორციელდება ხელშეკრულების გაფორმებიდან არაუგვიანეს 15 (თხუთმეტი) კალენდარული დღის ვადაში.

მუხლი 4. შესყიდვის ობიექტის მიღება-ჩაბარების წესი და გარანტია

- 4.1 მიღება-ჩაბარება განხორციელდება ფაქტიურად მიწოდებული შესყიდვის ობიექტზე წინამდებარე ხელშეკრულებით განსაზღვრული ხელშეკრულების შესრულების კონტროლის განმახორციელებელი პირის მიერ მომზადებული დასკვნის საფუძველზე, მხარეთა შორის გაფორმებული მიღება-ჩაბარების აქტით. შემსყიდველის მხრიდან მიღება-ჩაბარების აქტის ხელმოწერაზე უფლებამოსილია სსიპ „ვეტერანების საქმეთა სახელმწიფო სამსახურის“ -----
- 4.2 მიღება-ჩაბარების აქტი დგება სამ ეგზემპლარად, რომელთაგან ორი გადაეცემა შემსყიდველს, ხოლო ერთი - მიმწოდებელს.
- 4.3 შესრულებულ სამუშაოზე გარანტია უნდა ვცელდებოდეს მიღება-ჩაბარების აქტის გაფორმებიდან არანაკლებ 3 (სამი) წელი.
- 4.4 სამუშაოს დასრულების შემდეგ საგარტიო ვადის განვალბაში რაიმე წუნის, დაზიანებების (არა მექანიკური) აღმოფხვრა მიმწოდებელმა უნდა უზრუნველყოს საკუთარი სახსრებით, შემსყიდველისათვის დამატებითი ხარჯების დაკისრების გარეშე მოთხოვნიდან 10 (ათი) კალენდარული დღის ვადაში.

მუხლი 5. ხელშეკრულების ინსპექტირება

- 5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.
- 5.2 ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.
- 5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.
- 5.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ შესრულებულ სამუშაოს აღმოაჩნდება ხარვეზი, მიმწოდებელი ვალდებულია მხარეთა მიერ შეთანხმებულ ვადაში გამოასწოროს წუნი.

მუხლი 6. ანგარიშსწორება

- 6.1 ანგარიშსწორება განხორციელდება უნაღდო ანგარიშსწორების გზით.
- 6.2 მიმწოდებელთან ანგარიშსწორება განხორციელდება ეროვნულ ვალუტაში (ლარი), საბოლოო ანგარიშსწორების გზით, შესასრულებელი სამუშაოების დასრულების შემდეგ, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

მუხლი 7. მხარეთა უფლება-მოვალეობები

- 7.1 **შემსყიდველს უფლება აქვს:**
- 7.1.1 შეამოწმოს შესყიდვის პირობების შესაბამისობა ხელშეკრულებით გათვალისწინებულ პირობებთან;
 - 7.1.2 რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება;
 - 7.1.3 მოითხოვოს მიმწოდებლისგან ხელშეკრულების ჯეროვანი, დროული და კეთილსინდისერი შესრულება.
- 7.2 **შემსყიდველი ვალდებულია:**
- 7.2.1 უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად;
 - 7.2.2 დაიცვას ხელშეკრულებით გათვალისწინებული პირობები.
- 7.3 **მიმწოდებელს უფლება აქვს:**
- 7.3.1 მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- 7.4 **მიმწოდებელი ვალდებულია:**
- 7.4.1 უზრუნველყოს წინამდებარე ხელშეკრულებით და სატენდერო დოკუმენტაციით გათვალისწინებული სამუშაოების დასრულება ხელშეკრულების გაფორმებიდან არაუგვიანეს 30 (ოცდაათი) კალენდარული დღის ვადაში.
 - 7.4.2 უზრუნველყოს ხელშეკრულების პირობების შესრულება;
 - 7.4.3 სამუშაოების ნებისმიერ ეტაპზე, შემსყიდველი ორგანიზაციის მოთხოვნის შემთხვევაში, მიმწოდებელი ვალდებულია წარმოადგინოს აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშები მოთხოვნიდან 3 (სამი) სამუშაო დღის განმავლობაში. მოთხოვნა შესაძლოა განხორციელდეს, როგორც წერილობით, ასევე სიტყვიერად. აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები და/ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს, წარმოადგინოს სხვა, შემსყიდველი ორგანიზაციისთვის მისაღები მასალა, მოწყობილობა და სამუშაო;
 - 7.4.4 მიმწოდებელი ვალდებულია სამუშაოს წარმოების დროს გამოიყენოს ყველა მასალა-მოწყობილობა ახალი და ექსპლუატაციაში არ მყოფი, ქარხნული წარმოების და მაღალი ხარისხის;
 - 7.4.5 შესყიდვის ობიექტის ჩაბარებისას, მიღება-ჩაბარების აქტის გაფორმებამდე რაიმე ხარვეზის აღმოჩენის შემთხვევაში მიმწოდებელი ვალდებულია უზრუნველყოს მისი გამოსწორება. მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები. მიმწოდებელი პასუხისმგებელია სამუშაოების მსვლელობის მთელი პერიოდის განმავლობაში უსაფრთხოების წესების დაცვაზე, რომელთა დარღვევის შემთხვევაში მიყენებული ზიანის ანაზღაურების ვალდებულება ეკისრება მიმწოდებელს. მიმწოდებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტერის გავლენა. მიმწოდებელმა სამუშაოების დასრულების შემდეგ თავისი ძალებით და სახსრებით უნდა გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნარჩენებისაგან. მიმწოდებელი ვალდებულია სამუშაოების პროცესის სრულად დასრულებამდე, უზრუნველყოს შენობაში არსებული ყველა სახის მატერიალურ-ტექნიკური ფასეულობების, სამშენებლო მოწყობილობების და მასალების 24 საათიანი დაცვა, რომელთა დაკარგვის ან/და რაიმე დაზიანების შემთხვევაში, ვალდებულია საკუთარი სახსრებით აანაზღაუროს მიყენებული ზიანი.

მუხლი 8. ხელშეკრულებაში ცვლილებების შეტანა და შეწყვეტა

- 8.1 ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.

- 8.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4 მიმწოდებლის მიერ ხელშეკრულების პირობების შეუსრულებლობის, ან მოქმედი კანონმდებლობით გათვალისწინებულ სხვა შემთხვევებში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაზედაც არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალების გამოყენებით უნდა შეატყობინოს მიმწოდებელს.
- 8.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 9. მხარეთა პასუხისმგებლობა

- 9.1 მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 9.2 ხელშეკრულების პირობების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს) მიმწოდებელს დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,2 %-ის ოდენობით.
- 9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება, მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება და დამატებით დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 9.4 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

მუხლი 10. ხელშეკრულების შესრულების შეფერხება

- 10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 11. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.
- 11.1 მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 12. სადავო საკითხების გადაწყვეტა

- 12.1 ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკებების საფუძველზე.
- 12.2 თუ მხარეები მოლაპარაკებების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ საქართველოს სასამართლოს საქართველოში მოქმედი კანონმდებლობის შესაბამისად.

მუხლი 13. ხელშეკრულების მოქმედების ვადა

- 13.1 წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2018

წლის ----- ჩათვლით.

მუხლი 14. სხვა პირობები

14.1 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

„შემსყიდველი“

სსიპ „ვეტერანების საქმეთა სახელმწიფო სამსახური“

ს/კ: 205 309 637

მის: ქ. თბილისი, გორგასლის შესახვევი #12ა

სახელმწიფო ხაზინა.

TRESGE22

ხაზინის ერთიანი ანგარიში

„მიმწოდებელი“

ს/კ: -----

მის: -----

ტელ: -----

ს.ს. -----

ბანკის კოდი:

ანგარიშის #
